

# FUGLALÍF Í ÖSKJUHLÍÐ OG VIÐ FOSSVOG

Ólafur Karl Nielsen

Náttúrufræðistofnun Íslands

Skýrsla unnin fyrir Borgarskipulag Reykjavíkur  
Reykjavík, nóvember 1991

Ský

Nát

Náttúrufræðistofnun Íslands  
Bókasetnið

## Ágrip

Öskjuhlíðin, ásamt austur- og norðurströnd Fossvogs, er víðáttumikið óbyggt svæði í miðri borg og hluti þess er með náttúrlegum blæ. Auðugt fuglalíf eykur útivistargildi svæðisins. Áttatíu tegundir fugla hafa sést þar. Tólf tegundir, þ.a. ein önd, 5 tegundir vaðfugla og 6 tegundir spörfugla, verpa og giskað er á að heildarfjöldi varppara sé á bilinu 200-300. Á veturna er fuglalíf í Öskjuhlíð fábreyttara en á sumrin. Mest ber á ýmsum spörfuglum, en branduglur hafa árvisst vetursetu í Öskjuhlíð og það er eini þekkti staðurinn á Innnesjum. Fjölbreytt fuglalíf er í fjörum og á sjó í Fossvogi árið um kring. Mest áberandi eru andfuglar, vaðfuglar og máfar. Tugir eða hundruð fugla sjást þar dag hvern.

Lagt er til að í framhaldi af þessari forkönnun verði unnið úr öllum fyrirliggjandi gögnum um fuglalíf á svæðinu. Jafnframt verði athugað vorið og sumarið 1992 hvað sé af varpfuglum á svæðinu og einnig verði fylgst með umferð vaðfugla um fjörur í Fossvogi.

## 1 Inngangur

Hér er ætlunin að gera grein fyrir fuglalífi í Öskjuhlíð og Fossvogi. Ég mun geta allra þeirra tegunda sem sést hafa á svæðinu og gera grein fyrir stöðu þeirra. Ekki verður fjallað ítarlega um stofnstærð einstakra tegunda eða breytingar sem hafa orðið á síðustu árum eða áratugum. Mér er kunnugt um eina ritaða heimild um fuglalíf í Fossvogi, en það er skýrsla eftir Hannes P. Hafsteinsson (1989). Nokkuð hefur verið skrifað um fuglafánu nálægra svæða, m.a. Tjömina og Vatnsmyrina (Ólafur K. Nielsen 1989, 1990, 1991, Ólafur K. Nielsen og Jóhann Ó. Hilmarsson 1988), leirurnar í Kópavogi og Grafarvogi (Arnbór Garðarsson og Ólafur K. Nielsen 1989) og Seltjarnarnes (Agnar Ingólfsson og Arnbór Garðarsson 1955, 1957, Ævar Petersen og Jóhann Ó. Hilmarsson 1991).

## 2 Athuganarsvæði

Öskjuhlíð markast af Hlíðarfæti, Flugvallarvegi, Bústaðavegi, Suðurhlíð og strandlengju Fossvogs frá botni að Nauthólsvík, samtals um 127 ha. Þetta svæði var áður holt, melar, graslendi og mýri. Miklar breytingar hafa orðið á gróðurfari og landnýtingu á síðustu áratugum. Búsmaða er ekki lengur beitt á svæðið, allt votlendi hefur verið þurrkað og mikið land hefur verið lagt undir kirkjugarð. Umfangsmikil skógrækt hefur verið stunduð í holtinu síðan 1952 og lyng- og móagróður hefur vikið fyrir trjágróðri. Engin tilraun var gerð til að meta flatarmál einstakra búsvæða, sem nú einkenna Öskjuhlíðina, en við getum raðað þeim eftir mikilvægi: skóglendi, kirkjugarður, tún og graslendi, og mólendi. Fossvogur er um 63 ha miðað við línu dregna þvert yfir voginn við Nauthólsvík. Við botn vogsins er leira og nær hún út með honum að norðan. Sunnan megin við voginn og yst að norðanverðu er grjótfjara. Leiran er um 7 ha að flatarmáli (Arnbór Garðarsson og Ólafur Karl Nielsen 1989).

## 3 Aðföng

Þessi samantekt byggir á tæplega 80 fuglatalningum í Fossvogi og Öskjuhlíð á tímabilinu 17. ágúst 1972 til 6. apríl 1974 og einnig strjálum athugunum mínum fyrir og eftir þetta tímabil. Ritgerð Hannesar Hafsteinssonar (1989) er ágæt heimild um fuglalíf í Fossvogi. Hannes vann að sínum athugunum á árunum 1982-89. Einnig komu að góðu gagni munnlegar upplýsingar Gunnars Hallgrímssonar um fuglalíf í Fossvogi og Öskjuhlíð. Gunnar hefur skoðað fugla á þessu svæði síðan 1989. Umsögn mín um fuglalífið síðustu 10 ár byggir að mestu á gögnum þeirra féлага. Fuglatalningar á vegum Náttúrufræðistofnunar, svokallaðar jólatalningar, eru heimild um fuglalíf þessa svæðis á veturna. Gunnlaugur Pétursson yfirfór skýrslur um sjaldgæfa fugla á Íslandi 1979-89 og veitti mér upplýsingar um alla flækingsfugla sem sést höfðu á athuganarsvæðinu þetta tímabil. Auk þess athugaði ég gögn á Náttúrufræðistofnun Íslands um flækingsfugla sem höfðu sést á svæðinu fyrir 1979.

## 4 Fuglalíf

Alls er vitað um 80 fuglategundir sem sést hafa á svæðinu. Í 1. Viðauka eru taldar upp allar tegundir, sem hér koma við sögu, og gerð grein fyrir stöðu þeirra. Það er handhægt að skipta tegundunum í nokkra hópa eftir því hvernig búsetu eða veru þeirra á svæðinu er háttáð. Þessir hópar, sem ég flokka fuglana í, eru: 1. varpfuglar, 2. umferðarfuglar, 3. sumargestir, 4. vetrargestir og 5. flækingar.

### 4.1 Varpfuglar

Á áttunda áratugnum voru 12 tegundir árvissir varpfuglar á svæðinu. Þetta voru stökkönd, 5 tegundir vaðfugla (tjaldur, sandlóa, heiðlóa, hrossagaukur og stelkur), og sex tegundir spörfugla (þúfutittlingur, maríuerla, skógarpröstur, steindepill, stari og auðnutittlingur). Lóupræll sást á varptíma en þeir verpa m.a. innan flugvallargirðingar rétt vestan við Öskjuhlíðina.

Búsvæðaval tegundanna var mismunandi. Í graslendi og í jaðri skógarins vestan í Öskjuhlíðinni voru stelkur, hrossagaukur og þúfutittlingur mest áberandi, í holtinu heiðlóa, þúfutittlingur og

steindepill, og á melunum við Fossvog og á gróðurlausum stykkjum austan við Hlíðarfót voru tjaldur, sandlóa og heiðlóa. Einkennisfuglinn í skóginum vestan í Öskjuhlíðinni var skógarþröstur og í Kirkjugarðinum skógarþröstur og auðnutittlingur. Starar og maríuerlur urpu í mannvirkjum. Maríuerlur hreiðra stundum um sig í náttúrulegum holum og starar hafa nýlega byrjað að verpa í klettunum neðan við Nesti. Stokkendur urpu í Öskjuhlíðinni og sáust með unga á Fossvogi.

Til viðbótar má nefna tvær tegundir varpfugla, þ.e. hrafn og gráþröst. Hrafnar urpu við Fossvog snemma á öldinni, en á síðustu árum hafa þeir gert tilraunir til varps á a.m.k. þremur stöðum: í klettum við Læknisgarðinn (m.a. 1989), í klettum við flugbrautarendann og í grjótnámunni norðvestan í Öskjuhlíðinni (tvisvar sinnum m.a. 1991). Gráþrastarhreiður fannst í Læknisgarðinum sumarið 1986 (Gunnlaugur Pétursson og Erling Ólafsson 1989a). Gráþröstur er vetrargestur hér á landi og verpur stöku sinnum.

Eins og sagði hér að ofan, hafa orðið nokkrar breytingar á búsvæðum í Öskjuhlíðinni síðan 1972-74; skógurinn og kirkjugarðurinn hafa stækkað á kostnað móa og mela. Það er viðbúið að vaðfluglum, tjaldí, sandlóu, heiðlóu, hrossagauk og stelk, hafi fækkað en spörfuglum, skógarþresti og auðnutittlingi, hafi fjölgað. Miðað við stærð svæðisins og þéttleika mófugla í Vatnsmyri og Hljómskálagarði (Ólafur K. Nielsen og Jóhann Ó. Hilmarsson óbirt gögn), þá áætla ég að fjöldi varppara sé á bilinu 2-300.

#### 4.2 Umferðarfarfuglar

Þetta eru tegundir sem koma við á svæðinu vor og haust á leið til og frá varpheimkynnum sínum. Mest áberandi í þessum hópi eru vaðfluglar sem sækja á leirurnar fyrir botni Fossvogs. Þetta eru tjaldur, sandlóa, heiðlóa, tildra, stelkur, lóupræll, rauðbrystingur, sendlingur og sanderla. Vaðfluglarnir skipta hundruðum á vorin og haustin. Sumar af þessum tegundum hafa vetursetu á Íslandi en aðrar eru komnar lengra að, frá Evrópu eða Afríku. Varpheimkynni þeirra eru á Íslandi, Grænlandi og í Kanada. Ein vaðfluglategund til viðbótar, spói, hefur sést um fartímamann. Hann stoppar ekki í fjörum en sést í mounum eða á flugi. Ýmsar tegundir, aðrar en vaðfluglar, hafa viðkomu á svæðinu. Hér má nefna spörfugla, t.d. skógarþröst, þúfutittling, maríuerlu og steindepil. Skógarþrestir eru hundruðum saman á haustin í Öskjuhlíðinni og við Fossvoginn, þúfutittlingar eru einnig mjög algengir.

#### 4.3 Sumargestir

Nokkrar tegundir fugla, sem ekki verpa á svæðinu, eru nær daglegir gestir yfir sumarið. Hér má nefna æður, sílamáf og hettumáf. Tugir æðarfugla eru allt sumarið á vognum og í júní koma kollur með unga. Af öðrum sumargestum, ekki eins tíðum, má nefna lýl, toppönd, stormmáf, hvítmáf og svartbak.

#### 4.4 Vetrargestir

Á veturna er þungamiðja fuglalífsins í fjörinni og á sjónum í Fossvogi. Algengir vetrargestir eru ýmsir fjöru- og sjófuglar eins og dílaskarfur, stökkönd, rauðhöfði, æður, hávella, toppönd, tjaldur, sendlingur, hvítmáfur, svartbakur og hettumáfur. Einnig sjást álf, grágæs, urtönd, skúfönd, stelkur o.fl. tegundir. Efst í fjörinni eru spörfuglar eins og músarrindill, skógarþröstur og snjótittlingur. Fuglaskarinn laðar að ránfugla og hræætur, fálka, smyril og hrafn.

Í Öskjuhlíðinni sjálfri er fuglalíf fábreyttara á þessum árstíma. Snjótittlingar sjást í stórum hópum í jarðbönnum, og í skóginum og kirkjugarðinum má sjá auðnutittlinga svo og stöku skógarþresti, gráþresti og músarrindla. Branduglur hafa verið árvissar í skóginum vestan í Öskjuhlíðinni, stundum tvær til þrjár. Stórir hópar af störum og þröstum náttá sig stundum í Læknisgarðinum, fuglarnir koma fljúgandi að úr öllum áttum í kvöldhúminu.

#### 4.5 Flækingar

Rúmlega þrjátíu tegundir teljast vera flækingar á athuganarsvæðinu. Það má skipta þeim í tvo hópa, annars vegar íslenskir varpfuglar eða vetrargestir og hins vegar útlendir flækingar. Í fyrri hópnum eru m.a. tegundir sem eru algengar hér á Innnesjum en slæðast endrum og sinnum inn á athuganarsvæðið, þetta á við um toppskarí, gargönd, lunda og svartþröst. Tegundir í seinni

hópnum sjást hér einkum um fartímann vor og haust, sumar nær árvissir flækningar hér á landi en aðrar fáséðari (sjá nánar 1. Viðauka).

## 5 Framhald rannsókna

Nokkur vitneskja liggur fyrir um fuglalíf í Öskjuhlíð og við Fossvog, en þessar upplýsingar eru að miklu leyti 10-20 ára gamlar og svæðið hefur mikið breyst síðan. Við vitum hvaða tegundir er um að ræða og hvernig veru þeirra er háttað á svæðinu. Tillögur mínar um framhald þessa verkefnis eru:

1. Kanna umferð vaðfugla í Fossvogi vorið 1992. Gert með 20 talningum í apríl og maí. Talningarnar eru jafndreifðar yfir þetta tímabil, talið er á háfjöru á leirunni.
2. Telja varpfugla 1992. Gert með 10 talningum í júní og júlí.
3. Fullvinna eldri gögn, þannig að hægt sé að nota þau til samanburðar um breytingar á fjölda fugla og tegundasamsetningu.

## 6 Heimildir

Agnar Ingólfsson og Arnþór Garðarsson 1955. Fuglalíf á Seltjarnarnesi. Náttúrufræðingurinn 25: 7-13.

Agnar Ingólfsson og Arnþór Garðarsson 1957. Fuglalíf á Seltjarnarnesi. Viðbótarathuganir. Náttúrufræðingurinn 27: 126-133.

Arnþór Garðarsson og Ólafur Karl Nielsen 1989. Fuglalíf á tveimur leirum við Reykjavík. Náttúrufræðingurinn 59: 59-84.

Gunnlaugur Pétursson og Kristinn Haukur Skarphéðinsson 1982. Sjaldgæfir fuglar á Íslandi 1980. Náttúrufræðistofnun Íslands. Fjölrit. 51 s.

Gunnlaugur Pétursson og Kristinn Haukur Skarphéðinsson 1983. Sjaldgæfir fuglar á Íslandi 1981. Bliki 1: 17-39.

Gunnlaugur Pétursson og Erling Ólafsson 1984. Sjaldgæfir fuglar á Íslandi 1982. Bliki 3: 15-44.

Gunnlaugur Pétursson og Erling Ólafsson 1985. Sjaldgæfir fuglar á Íslandi 1983. Bliki 4: 13-39.

Gunnlaugur Pétursson og Erling Ólafsson 1989a. Sjaldgæfir fuglar á Íslandi 1986. Bliki 7: 23-48.

Gunnlaugur Pétursson og Erling Ólafsson 1989b. Sjaldgæfir fuglar á Íslandi 1987. Bliki 8: 15-46.

Hannes Þór Hafsteinsson 1989. Lífríki og náttúrufar í Fossvogi. Garðyrkjuskóli ríkisins, Reykjum, aðalverkefni við umhverfisbraut. Óbirt skýrsla. 25 s.

Ólafur Karl Nielsen 1985. Hnúðsvanir á Íslandi. Bliki 4: 2-7.

Ólafur Karl Nielsen 1989. Fuglarannsóknir við Tjörnina 1989. Fjölrit. 32 s.

Ólafur Karl Nielsen 1990. Fuglarannsóknir við Tjörnina 1990. Fjölrit. 26 s.

Ólafur Karl Nielsen 1991. Fuglarannsóknir við Tjörnina 1991. Fjölrit. 15 s.

Ólafur Karl Nielsen og Jóhann Óli Hilmarsson 1988. Stofnstærð, varphættir og atferli fugla á Tjörninni 1988. Fjölrit. 56 s.

Ævar Petersen og Jóhann Óli Hilmarsson 1991. Dýralíf á Seltjarnarnesi. Í: Kristbjörn Egilsson, Sveinn Jakobsson, Ævar Petersen og Jóhann Óli Hilmarsson, Náttúrufar á Seltjarnarnesi Bls. 32-57. Náttúrufræðistofnun Íslands. Handrit. 91 s.

## 1 Viðauki

### Fuglatal Fossvogs og Öskjuhlíðar

Heimildir eru dagbækur Ólafs K. Nielsen (ÓKN), Gunnars Hallgrímssonar (GH), ritgerð Hannesar Þ. Hafsteinssonar (1989), spjaldskrá Náttúrufræðistofnunar (NÍ) og skýrslur um sjaldgæfa fugla 1979-1989.

1. Flórgoði *Podiceps auritus*; flækingur (ÓKN).
2. Fýll *Fulmarus glacialis*; árviss; vor- og sumargestur (Hannes Þ. Hafsteinsson 1989, ÓKN).
3. Dílaskarfur *Phalacrocorax carbo*; árviss; vetrargestur (Hannes Þ. Hafsteinsson 1989, ÓKN, GH).
4. Toppskarfur *Phalacrocorax aristotelis*; flækingur (GH).
5. Gráhegri *Ardea cinerea*; flækingur (Gunnlaugur Pétursson og Kristinn H. Skarphéðinsson 1982, GH).
6. Hnúðsvanur *Cygnus olor*; áður varpflugl við Tjörnina og sást þá á Fossvogi að vetrarlagi, þessi stofn er nú útdauður (Ólafur K. Nielsen 1985).
7. Álft *Cygnus cygnus*; árviss; vetrargestur (Hannes Þ. Hafsteinsson 1989, ÓKN, GH).
8. Grágæs *Anser anser*; árviss; sést á öllum tímum árs (Hannes Þ. Hafsteinsson 1989, ÓKN, GH).
9. Heiðagæs *Anser brachyrhynchus*; flækingur (Hannes Þ. Hafsteinsson 1989).
10. Margæs *Branta bernicla*; flækingur (Hannes Þ. Hafsteinsson 1989).
11. Stökkönd *Anas platyrhynchos*; árviss; varpflugl og vetrargestur (Hannes Þ. Hafsteinsson 1989, ÓKN, GH).
12. Urtönd *Anas crecca*; ekki árviss; vetrargestur (Hannes Þ. Hafsteinsson 1989, ÓKN).
13. Gargönd *Anas strepera*; flækingur (Hannes Þ. Hafsteinsson 1989, GH).
14. Rauðhöfði *Anas penelope*; árviss; vetrargestur (Hannes Þ. Hafsteinsson 1989, ÓKN, GH).
15. Grafönd *Anas acuta*; flækingur (GH).
16. Duggönd *Aythya marila*; ekki árviss; vor- og haustgestur (Hannes Þ. Hafsteinsson 1989, GH).
17. Skúfönd *Aythya fuligula*; árviss; vetrargestur (Hannes Þ. Hafsteinsson 1989, ÓKN, GH).
18. Skutulönd *Aythya ferina*; flækingur (Gunnlaugur Pétursson og Erling Ólafsson 1984).
19. Húsönd *Bucephala islandica*; flækingur (Tjarnarfuglar; GH).
20. Hávella *Clangula hyemalis*; árviss; vetrargestur (Hannes Þ. Hafsteinsson 1989, ÓKN, GH).
21. Straumönd *Histrionicus histrionicus*; flækingur (Hannes Þ. Hafsteinsson 1989).

22. **Æður** *Somateria mollissima*; árviss; algengur sumar- og vetrargestur (Hannes Þ. Hafsteinsson 1989, ÓKN, GH).
23. **Æðarkóngur** *Somateria spectabilis*; flækingur (Gunnlaugur Pétursson og Kristinn H. Skarphéðinsson 1983)
24. **Toppönd** *Mergus serrator*; árviss; sést á öllum tímum árs (Hannes Þ. Hafsteinsson 1989, ÓKN, GH).
25. **Haförn** *Haliaeetus albicilla*; flækingur (Hannes Þ. Hafsteinsson 1989).
26. **Fálki** *Falco rusticolus*; árviss; vetrargestur (Hannes Þ. Hafsteinsson 1989, ÓKN, GH).
27. **Smyrill** *Falco columbarius*; árviss; vetrargestur (Hannes Þ. Hafsteinsson 1989, ÓKN, GH).
28. **Tjaldur** *Haematopus ostralegus*; árviss; varpfugl, umferðarfugl og vetrargestur (Hannes Þ. Hafsteinsson 1989, ÓKN, GH).
29. **Sandlóa** *Charadrius hiaticula*; árviss; varpfugl og umferðarfugl (Hannes Þ. Hafsteinsson 1989, ÓKN, GH).
30. **Heiðlóa** *Pluvialis apricaria*; árviss; varpfugl og umferðarfugl (Hannes Þ. Hafsteinsson 1989, ÓKN, GH).
31. **Vepja** *Vanellus vanellus*; flækingur (Gunnlaugur Pétursson og Erling Ólafsson 1984).
32. **Tildra** *Arenaria interpres*; árviss; umferðarfugl og vetrargestur (Hannes Þ. Hafsteinsson 1989, ÓKN, GH).
33. **Hrossagaukur** *Gallinago gallinago*; árviss; varpfugl og umferðarfugl (Hannes Þ. Hafsteinsson 1989, ÓKN, GH).
34. **Spói** *Numenius phaeopus*; árviss; umferðarfugl (Hannes Þ. Hafsteinsson 1989, ÓKN, GH).
35. **Jaðrakan** *Limosa limosa*; flækingur (Hannes Þ. Hafsteinsson 1989).
36. **Stelkur** *Tringa totanus*; árviss; varpfugl, umferðarfugl og vetrargestur (Hannes Þ. Hafsteinsson 1989, ÓKN, GH).
37. **Rauðbrystingur** *Calidris canutus*; árviss; umferðarfugl (Hannes Þ. Hafsteinsson 1989, ÓKN, GH).
38. **Sendlingur** *Calidris maritima*; árviss; vetrargestur og umferðarfugl (Hannes Þ. Hafsteinsson 1989, ÓKN, GH).
39. **Lóupræll** *Calidris alpina*; árviss; umferðarfugl og mögulega varpfugl (Hannes Þ. Hafsteinsson 1989, ÓKN, GH).
40. **Sanderla** *Calidris alba*; ekki árviss; umferðarfugl (ÓKN, GH).
41. **Óðinshani** *Phalaropus lobatus*; ekki árviss; umferðarfugl (Hannes Þ. Hafsteinsson 1989).
42. **Kjói** *Stercorarius parasiticus*; árviss; vor- og sumargestur (Hannes Þ. Hafsteinsson 1989, ÓKN).
43. **Ísmáfur** *Pagophila eburnea*; flækingur (GH).

44. **Svarbakur** *Larus marinus*; árviss; sést á öllum tímum árs (Hannes Þ. Hafsteinsson 1989, ÓKN).
45. **Sílamáfur** *Larus fuscus*; árviss; sést frá vori fram á haust (Hannes Þ. Hafsteinsson 1989, ÓKN).
46. **Silfurmáfur** *Larus argentatus*; ekki árviss; vetrargestur (Hannes Þ. Hafsteinsson 1989).
47. **Stormmáfur** *Larus canus*; líklega árviss; sumar- og vetrargestur (Hannes Þ. Hafsteinsson 1989, ÓKN).
48. **Hringmáfur** *Larus delawarensis*; flækingur (Gunnlaugur Pétursson og Erling Ólafsson 1984).
49. **Hvítmáfur** *Larus hyperboreus*; árviss; sést á öllum árstímum (Hannes Þ. Hafsteinsson 1989, ÓKN).
50. **Bjartmáfur** *Larus glaucoides*; ekki árviss; vetrargestur (Hannes Þ. Hafsteinsson 1989).
51. **Hettumáfur** *Larus ridibundus*; árviss; sést á öllum tímum árs (Hannes Þ. Hafsteinsson 1989, ÓKN).
52. **Ríta** *Rissa tridactyla*; flækingur (GH).
53. **Kría** *Sterna paradisaea*; árviss; sumargestur (Hannes Þ. Hafsteinsson 1989, ÓKN).
54. **Haftyröill** *Alle alle*; flækingur (Hannes Þ. Hafsteinsson 1989, GH).
55. **Teista** *Cephus grylle*; árviss; vetrargestur (Hannes Þ. Hafsteinsson 1989, ÓKN, GH).
56. **Lundi** *Fratercula arctica*; flækingur (GH).
57. **Húsdúfa** *Columba livia*; árviss; sést á öllum tímum árs (ÓKN, GH).
58. **Eyrugla** *Asio otus*; flækingur (GH).
59. **Brandugla** *Asio flammeus*; árviss; vetrargestur (Hannes Þ. Hafsteinsson 1989, ÓKN, GH).
60. **Múrsvölungur** *Apus apus*; flækingur (GH).
61. **Landsvala** *Hirundo rustica*; flækingur (GH).
62. **Hrafn** *Corvus corax*; árviss; vetrargestur og hefur orpið í Fossvogi og Öskjuhlíð (Hannes Þ. Hafsteinsson 1989, ÓKN, GH).
63. **Bláhrafn** *Corvus frugilegus*; flækingur (GH).
64. **Músarrindill** *Troglodytes troglodytes*; árviss; vetrargestur (Hannes Þ. Hafsteinsson 1989, ÓKN, GH).
65. **Svartpröstur** *Turdus merula*; flækingur (Gunnlaugur Pétursson og Erling Ólafsson 1989a).
66. **Grápröstur** *Turdus pilaris*; árviss; haust og vetrargestur, hefur orpið einu sinni (Gunnlaugur Pétursson og Erling Ólafsson 1989a).
67. **Skógarpröstur** *Turdus iliacus*; árviss; varpflugl og umferðarfugl (Hannes Þ. Hafsteinsson 1989, ÓKN, GH).



68. **Steindepill** *Oenanthe oenanthe*; árviss; varpfugl og umferðarfugl (Hannes Þ. Hafsteinsson 1989, ÓKN, GH).
69. **Garðaskotta** *Phoenicurus phoenicurus*; flækingur (NÍ).
70. **Glóbrustingur** *Erithacus rubecula*; flækingur (NÍ).
71. **Púfutittlingur** *Anthus pratensis*; árviss; varpfugl og umferðarfugl (Hannes Þ. Hafsteinsson 1989, ÓKN, GH).
72. **Maríuerla** *Motacilla alba*; árviss; varpfugl og umferðarfugl (Hannes Þ. Hafsteinsson 1989, ÓKN, GH).
73. **Pyrnisvarri** *Lanius collurio*; flækingur (Örn Óskarsson o.fl.).
74. **Stari** *Sturnus vulgaris*; árviss; varpfugl og mjög algengur á haustin og veturna (Hannes Þ. Hafsteinsson 1989, ÓKN, GH).
75. **Bókfinka** *Fringilla coelebs*; flækingur (Gunnlaugur Pétursson og Kristinn H. Skarphéðinsson 1980, Gunnlaugur Pétursson og Erling Ólafsson 1989b).
76. **Fjallafinka** *Fringilla montifringilla*; flækingur (Gunnlaugur Pétursson og Erling Ólafsson 1984, 1985, 1989a).
77. **Barrfinka** *Carduelis spinus*; flækingur (ÓKN).
78. **Auðnutittlingur** *Carduelis flammea*; árviss; varpfugl og vetrargestur (Hannes Þ. Hafsteinsson 1989, ÓKN, GH).
79. **Krossnefur** *Loxia curvirostra*; flækingur (GH).
80. **Snjótittlingur** *Plectrophenax nivalis*; árviss; vetrargestur (Hannes Þ. Hafsteinsson 1989, ÓKN, GH).